

談安縣志卷之五

祀典志

人無往而不與神俱也矧官政乎神無地而不與人
臨也矧教以弼政者可以故事視之乎以至在天有
風雲雷雨之司在地有社稷山川之靈在人有人有功德
勤勞之報承是事者精神通于且明齋肅嚴于志氣
格幽之道本于至誠以實不以文也夫絕地天通爲
家巫里覲俶擾人紀者言之乃更有遍天地人而一
之之政祀典得不詳歟作祀典志

丁祭

詔安縣志

卷之五

祀典

一

三百三十一

釋奠之禮自國學以至郡縣學歲以春秋二仲上
丁之日其他祀典或于戊或于己或于次丁或于
朔望而不敢同釋奠之一日者示特崇也君子之
祭七日戒三日齋必見所祭者誠之至也而况爲
特崇之祀則對越者宜何如祇肅而駿奔走者宜
何如敬恭以克孚先師如在之誠祭必受福之旨
歟志丁祭

漢祀孔子于闕里魏正始間祀孔子于辟雍隋始命
州縣學皆以春秋仲月釋奠唐宋元以來遂因之廟
崇王號漢平帝封褒成宣尼公唐玄宗封爲文宣主

始設座像宋真宗加爲至聖文宣公元成宗加爲大成至聖文宣王羣弟子及從祀諸儒歷代或封公侯或封師保元至順間加封顏子兗國復聖公會子鄒國宗聖公子思子沂國述聖公孟子鄒國亞聖公其廟制始于宋太祖詔廟門立戟十二徽宗加戟二十四元以殿爲大成殿徽宗加冕十二旒服九章元因之祭樂南宋用六佾唐用宮懸宋景祐間始設登歌之樂明成化間用祭酒周洪謨言樂加八佾堂上堂下之制始備嘉靖九年詔易封號曰至聖先師孔子改大成殿曰先師殿戟門曰廟門四配十哲以下俱

詔安縣志

卷之五

祀典

二

四百〇四

稱爲子諸儒稱先儒某子悉撤座像題以木主樂仍用六佾其祝文云維某年月日某官某敢昭告于至聖先師孔子曰惟師德配天地道貫古今刪述六經垂憲萬世維茲仲春秋謹以牲帛醴齊粢盛庶品式陳明薦以復聖顏子宗聖曾子述聖子思子亞聖孟子配尙饗己上依舊志此下今改正

正姓名之訛古人之賜姓也或以事或以官或以地或以習業故多罕聞之複姓卽從祀先賢中如端木顓孫澹臺南宮漆雕公西公冶司馬巫馬公孫等姓皆顯然而易見者他如東廡之第十六位先賢公良

子子正諱儒本姓公良而名儒也神位舊書公子良
儒誤認姓公而名良儒矣第十七位先賢奚容子子
偕諱歲本姓奚容而名歲也神位舊書奚子容箴誤
認姓奚而名容箴矣第十九位先賢甸井子子疆諱
疆本姓甸井而名疆也神位舊書甸子井疆誤認姓
甸而名井疆矣西廡第十三位先賢壤駟子子徒諱
赤本姓壤駟而名赤也神位舊書壤子駟赤誤認姓
壤而名駟赤矣第十四位先賢石作子子明諱蜀本
姓石作而名蜀也神位舊書石子作蜀誤認姓石而
名作蜀矣第十七位先賢公肩子子中諱定本姓公
肩而名定也神位舊書公子肩定誤認姓公而名肩
定矣第二十一位先賢左人子子行諱郢本姓左人
而名郢也神位舊書左子人郢誤認姓左而名人郢
矣此訛姓爲名悉爲改正

正稱姓之訛四配稱復聖顏子宗聖曾子亞聖孟子
惟述聖止稱子思子而不稱姓者以先師旣稱孔子
禮宜避也所以西廡第二十七位先賢子蒧子諱忠
者聖兄孔皮之子也止稱子蒧子而不稱姓第三十
四位先儒子國子諱安國者先聖十一世孫也止稱
子國子而不稱姓禮以義起百王不易舊于先賢子

稷子神位直書孔子忠先儒子國子神位直書孔子
安國此稱姓之訛悉爲改正

正稱名之訛魯論所載惟先聖呼諸賢之名先賢而
對先聖亦自呼其名師弟之分同于君前臣名父前
子名其他記載多不稱名而或稱子或稱字蓋諱名
之禮古所特重先賢有字而未有號宜書其字先儒
有字而兼有號宜詳書其字號以便後學之稱述若
先賢先儒之名止宜註于姓氏之下曰諱某豈可稱
乎兩廡神位舊書先賢先儒之姓名而未詳書其字
號致使後學直稱先賢先儒之姓名莫知先賢先儒

諂安縣志 卷之五 祀典 四 三百八十五

之字號于諱名之義何居乎此稱名之訛悉爲改正
正亥豕之訛古書字義一點一畫各有分別而况先
賢之名諱可以訛魚爲魯乎東廡第十七位先賢奚
容子子借諱蒧神位舊書奚子容箴第二十八位先
賢公西子子尙諱蒧蒧點同字彙註曰蒧人名神位
舊書公西子蒧西廡第二十位先賢榮子子期諱祈
神位舊書榮子旂毫釐之差千里之謬此亥豕之訛
悉爲改正

正游移之訛東廡第三十位先賢琴子子開諱張論
語家語作琴牢唐祀琴張又祀琴牢宋代考定去牢

祀張西廡第三十位先賢申子子周諱棖家語作申
續史記作申黨唐祀申棖又祀申黨明代考定去黨
祀棖神位舊書申子棖琴子牢或從或違未歸于一
此游移之訛悉爲改正

正位次之訛兩廡從祀先賢共六十二位東西分祀
三十一位無庸疑矣兩廡從祀先儒三十五位凡列
坐次自東而西則東廡宜祀先儒一十八位西廡宜
祀先儒一十七位其理易明依序排列先儒羅子仲
素諱從彥者宜居東廡楊子中立之下朱子元晦之
上先儒李子愿中諱侗者宜居西廡胡子康侯之下

詔安縣志

卷之五

祀典

五

三百九十

呂子伯恭之上斷斷不容倒置者舊以羅子李子定
從祀于萬曆年間乃列二子神位于西廡之末不特
宋世先儒倒居明代先儒之下而且龜山嫡派不溯
新安接續之源第坐師前孫坐祖上新安有靈其能
安乎此位次之訛悉爲改正

考迥異之訛西廡第二十二位當祀先賢薛子子徒
諱邦交州人神位舊書鄭子國細考東西兩廡從祀
先賢先儒共九十七位其九十六位無不相符何故
獨此一位不相符合因考福建通志祀典所載先賢
姓名與詔學同正欲考正于

國學折衷于鴻儒隨蒙

福建提督學政按察司僉事高 校正正義家語作
薛邦史記作鄭國薛字乃鄭字悞避漢高祖諱改名
國子由古史作鄭邦為是蓋在漢時宜改邦為國而
在今日仍宜改國為邦書先賢鄭子子徒諱邦兗州
人神位似無庸疑至福建通志祀典所載配祀先賢
先儒稱謂位次倍多訛舛因詳定稱謂位次于左
文廟配祀先賢先儒位次

至聖先師孔子神位

朱地金書其四配以下皆粉地墨書朱鑲取五方之正色不雜間色

四配東位

詔安縣志

卷之五

祀典

六

三百六

復聖顏子

諱回字子淵曲阜人神位

述聖子思子

諱伋聖孫神位

四配西位

宗聖曾子

諱參字子輿武城人神位

亞聖孟子

諱軻字子輿鄉人神位

宋神宗元豐七年始以孟子配享孔子位次顏子

明洪武五年罷配享踰年復之嘉靖九年稱復聖

宗聖述聖亞聖舊志載元至順間已有此稱未知

何所考據

十哲東位

先賢閔子子騫 諱損魯人 神位

先賢冉子仲弓 諱雍魯鄆城人 神位

先賢端木子子貢 諱賜衛人 神位

先賢仲子子路 諱由魯之卞人 神位

先賢卜子子夏 諱商衛人 神位

十哲西位

先賢冉子伯牛 諱耕魯鄆城人 神位

先賢宰子子我 諱予曲阜人 神位

先賢冉子子有 諱求魯鄆城人 神位

先賢言子子游 諱偃吳人 神位

詔安縣志 卷之五 祀典 七 二百八

先賢顓孫子子張 諱師陳州人 神位

東廡

先賢澹臺子子羽 諱滅明武城人 神位

先賢原子子思 諱憲宋人卽今商丘 神位

先賢南宮子子容 諱适兗州人史記作南宮括家語作南宮韜一作縉 神位

先賢商子子木 諱瞿曲阜人 神位

先賢漆雕子子若 諱開魯人 神位

先賢樊子子遲 諱須兗州人 神位

先賢公西子子華 諱赤曲阜人 神位

先賢梁子叔魚 諱鱸家語諱鯉字子魚齊人 神位

先賢冉子子魯

諱儒兗州人

神位

先賢伯子子析

諱虔兗州人

神位

先賢冉子子產

諱季兗州人

神位

先賢漆雕子子歛

諱哆兗州人

神位

先賢漆雕子子期

諱徒父又字子有

神位

先賢商子子季

諱澤又字子秀兗州人

神位

先賢任子子選

諱不齊楚荆州人

神位

先賢公良子子正

諱儒陳州人

神位

先賢奚容子子偕

諱歲兗州人

神位

先賢顏子子襄

諱祖曲阜人

神位

詔安縣志

卷之五 祀典

八

三百五十二

先賢句井子子疆

諱疆又字子野山東志字子孟衛輝人

神位

先賢秦子子丕

諱商兗州人家語作楚字不慈左傳字丕慈

神位

先賢公祖子子之

諱句茲兗州人

神位

先賢縣子子橫

諱成史記作子祺

神位

先賢燕子子思

諱伋家語諱級秦人一作魯人

神位

先賢顏子子叔

諱之僕曲阜人

神位

先賢樂子子聲

諱欬家語諱欣兗州人

神位

先賢邦子子斂

諱選史作邾家語作邾選兗州人

神位

先賢公西子子上

諱與如家語作子由兗州人

神位

先賢公西子子尙

諱蕨歲點同一字子上家語作公西蕨兗州人

神位

先賢陳子子禽諱元又字子亢陳州人又神位

先賢琴子子開諱張論語家語作琴牢衛人唐并祀宋專祀張神位

先賢步叔子子車諱樂一作叔乘今作步子齊青州人神位

先儒左子諱丘明春秋時人神位

先儒穀梁子諱赤周末魯人神位

先儒高堂子諱生漢魯人神位

先儒毛子長公諱萇漢時河間人神位

先儒杜子諱子春東漢偃師人神位

先儒王子仲淹諱通諡文中子隋河津人神位

先儒歐陽子永叔諱修號六一居士宋廬陵人神位

詔安縣志 卷之五 祀典 九

先儒周子茂叔諱敦願宋道州人神位

先儒程子正叔諱頤號伊川宋洛陽人神位

先儒張子子厚諱載號橫渠宋鄒州人神位

先儒楊子中立諱時號龜山宋將樂人神位

先儒羅子仲素諱從彥宋南劍人神位

先儒朱子元晦諱熹號晦庵宋婺源人神位

先儒陸子子靜諱九淵號象山宋金谿人神位

先儒蔡子仲嘿諱沈明贈文正公宋建陽人神位

先儒許子仲平諱衡元河內人神位

先儒陳子公甫諱獻章白沙先生明廣東人神位

先儒王子伯安

諱守仁陽明先生明餘姚人

神位

東廡原有曾皙伯魚今配祀啓聖公舊有顏何荀

况劉向王肅杜預今罷鄭衆盧植服虔今改祀于

鄉見祀四十九位

西廡

先賢宓子子賤

諱不齊曲阜人

神位

先賢公冶子子長

諱長諸城人

神位

先賢公皙子季次

諱哀一字季沉家語作析哀索隱作析克濟南人

神位

先賢高子子羔

諱柴衛輝人

神位

先賢司馬子子牛

諱耕家語作黎耕商丘人

神位

詔安縣志

卷之五 祀典

十

三百三十六

先賢有子子有

諱若又字子若曲阜人

神位

先賢巫馬子子期

諱期家語作巫馬施

神位

先賢顏子子柳

諱辛史記作幸曲阜人

神位

先賢曹子子循

諱卹衛汝寧人

神位

先賢公孫子子石

諱龍家語作公孫寵荆州人又作衛人史記作楚人

神位

先賢秦子子南

諱祖西安人

神位

先賢顏子子驕

諱高一作顛刻曲阜人

神位

先賢壤駟子子徒

諱赤西安人

神位

先賢石作子子明

諱蜀鞏昌人

神位

先賢公夏子子乘

諱首一作公夏守又作公氏魯人

神位

先賢后子子里

諱虔家語作伯虔一作石處字里之青州人

神位

先賢公肩子子中

諱定又作公堅兖州人

神位

先賢鄆子子家

諱單聊城人一作鄆單

神位

先賢宰父子子素

諱黑一作宰父黑兖州人

神位

先賢榮子子期

諱祈一作子祺

神位

先賢左人子子行

諱郢兖州人

神位

先賢薛子子徒

諱邦兖州人

神位

先賢原子子籍

諱亢一作桃兖州人

神位

先賢廉子曹

諱潔衛人

神位

先賢叔仲子子期

諱會兖州人

神位

詔安縣志

卷之五

祀典

十一

三百四十六

先賢狄子皙之

諱黑又字子皙衛輝人

神位

先賢子蒧子

諱忠一作孔弗聖兄孔皮之子

神位

先賢施子子常

諱之常兖州人

神位

先賢秦子子之

諱非兖州人

神位

先賢申子子周

諱棖家語作申續史記作申黨唐孟祀明專祀棖

神位

先賢顏子子聲

諱噲曲阜人

神位

先儒公羊子

諱高周末臨淄人

神位

先儒伏子子賤

諱勝秦時鄒平人

神位

先儒子國子

諱安國先聖十一世孫漢時避稱孔子與子蒧子同義

神位

先儒董子

諱仲舒漢河間人

神位

先儒后子近君

諱蒼漢東海人

神位

先儒韓子退之

諱愈唐修武人

神位

先儒胡子翼之

諱瑗諡安定人

神位

先儒程子伯淳

諱顥號明道人

神位

先儒邵子堯夫

諱雍康節先生

神位

先儒司馬子君實

諱光宋涑水人

神位

先儒胡子康侯

諱安國宋崇安人

神位

先儒李子愿中

諱侗宋劍浦人

神位

先儒呂子伯恭

諱祖謙號東萊

神位

先儒張子敬夫

諱栻號南軒人

神位

諒安縣志

卷之五 祀典

十三

三百五十一

先儒真子希元

諱德秀號西山人

神位

先儒薛子德溫

諱瑄號敬軒人

神位

先儒胡子淑心

諱居仁明餘人

神位

西廡原有顏路今配祀啓聖公舊有公伯察秦冉

戴聖賈逵馬融何休王弼今罷蘧伯玉林放鄭玄

范甯吳澄今改祀于鄉見祀四十八位

此配祀文廟先賢先儒神位稱子稱字而不稱名

與分列兩廡東西上下不易之次序也舊多顛倒

差訛已詳志于正訛七條而七條之內惟列先儒

羅子從彥李子愿中于西廡之末尤為不倫多同

未曉楊子龜山朱子晦庵相傳之淵源所以循習于不察而莫之釐正耳今將林鈿奏請補入二子從祀原疏附志于左則四子相傳之淵源靡不共曉而知二子神位亟當躋升朱子晦庵之上不容頃刻緩者

爲懇奏請補入真儒從祀以尊道統以光盛典事竊惟聖賢學問在繼往而開來帝王闡明先崇功而報德故間授受于一脉之相承則淵源必溯而極推尊于百世之定論則俎豆彌光鈿生長雙劍之邦私淑四賢之澤从矣乃楊時朱熹旣已登祀廟庭而羅從

詔安縣志

卷之五

祀典

十三

三百九十一

彥李侗尚未與列從祀此從來之缺典而議禮者所不容緩也邇自楊時載道而南爲後世學士之鼻祖乃衍時之心傳者羅從彥也承從彥之嫡派者李侗也由羅李以遞傳于朱見知聞知統系相接師傳參習前後一源譬之河流然星宿發脉也而羅李以及朱亦猶歷濟漯淮漢以達海者也今尊朱之道而未及其從來相傳之自其可乎哉昭代禮明樂備卽薛文清王文成陳白沙皆得從祀而况承先啓後可師百世如羅李二先儒其有功于道脉尤彰彰較著者哉謹按宋鑑及性理諸書羅從彥字仲素從學楊時

子蕭山旣而築室山中絕意仕進克然自得朱子曰
龜山先生倡道東南士之遊其門者甚衆然語其潛
思力行任重詣極如羅公蓋一人而已又曰先生教
學者靜坐中着喜怒哀樂未發謂之中未發時作何
氣象真能探索本原洞見道體周氏恒曰先生在羅
浮山坐三年窮天地萬物之理註尊堯錄撮要提綱
無非理亂安危之大者公之學其明體適用略可推
矣李侗字愿中結廬山中謝絕世故餘四十年食飲
或不克而怡然自得朱熹師事焉朱子曰先生少游
鄉校有聲已而聞邈人羅仲素得河洛之學于龜山

詔安縣志

卷之五

祀典

七

四百九

之門遂往學焉累年受春秋中庸語孟之說從容潛
玩有會于心盡得其所傳之奧又曰先生從仲素學
講論之餘危坐終日以驗夫喜怒哀樂未發之前氣
象爲何如又曰先生資稟勁特氣節豪邁而克養醇
粹無復圭角精銳之氣達于面目色愜言厲神定氣
和語嘿動靜端詳閒泰自然之中若有成法鄧氏述
曰愿中如冰壺秋月瑩澈無瑕蓋二儒者其衍道高
之脉卽以衍千聖之傳緒于不墜其開紫陽之統卽
以開六經之日月于中天乞將真儒奏請從祀廟庭
庶崇儒重道之典益光而仰止景行之心均慰

啓聖祠配祀先賢先儒位次
赤地金書其四配四從俱用粉地墨書朱

東配

顏氏路諱無繇神位

聖嗣伯魚諱鯉神位

西配

曾氏子皙諱點神位

孟氏公宣諱激神位

東從祀

周氏諱輔神位

詒安縣志 卷之五 禮樂

朱氏喬年諱松神位

西從祀

程氏伯溫諱珦神位

蔡氏季通諱元神位

啓聖祠祀先師父叔梁紇舊無祀元至正間封爲齊國公明嘉靖九年議請欽定啓聖公祠祀孔子父叔梁紇以顏無繇曾點孔鯉孟氏配以程珦朱松蔡元定從祀萬曆二十四年進周敦頤父周輔成從祀位居程珦之上春秋將有事于先師則先釋菜于啓聖祠禮也今則與釋奠同日儀如先師廟相沿既久未

政紛更祝文云惟公誕生至聖為萬世師功德顯著
日月同垂今茲仲春謹以牲帛醴齊粢盛庶品用申
常祀以先賢顏氏曾氏孔氏孟氏配享先儒周氏程
氏朱氏蔡氏從祀尚饗

名宦祭

宦猶簷阿業其柱石簷阿之華采軒翔有時而雨
敗風摧柱石之棟隆貞吉無時而不高山景行故
夫名伯去而愛棠棠以伯愛伯不以棠愛也牟公
逝而淚碑碑以公淚公不以碑淚也歷稽詔宦亦
有傳人有舊登祀典者有新入祀典者獨司牧之
詔安縣志

卷之五

祀典

十六

三百三十五

員無一與焉豈公論之多氓歟抑遺愛之難假也
顧名思義足以風矣志名宦祭

名宦祠在戟門外東歲春秋二丁致祭先師禮畢附
祭祀明提學副使熊汲海防同知姚應龍

祝文云恭惟諸公敷歷此邦道行澤施有耀
其光斯民懷德日久不忘後賢仰止山高水長今茲
春仲駿奔室堂神其如在鑒此瓣香尚饗

鄉賢祭

喬木大故國之聲周楨表王國之秀言地以人重
也生之日日為名賢或望以位著乎歿之後嚴以

實行則顯以幽闡矣尸而祝之以爲儀型祀可或
輕乎雖然烈士慕義夸夫徇名名義予奪之間道
路有口勿可飾也使春秋對越而心焉數之某也
名賢某也實行吾知縉紳先生愈切渾金璞玉之
感矣志鄉賢祭

鄉賢祠在戟門外西祭與名宦同時祀宋翁待舉陳
景肅楊士訓吳大成陳格陳植楊耿鄭柔薛京明陳
汝輝許潛林而興崇禎間增祀蔡方平共十四人祝
文云於惟諸公鐘秀毓奇後先隱顯方矩圓規卓彼
華實名教是禪覺知後進俾克有追今茲春秋仲備設
詔安縣志 卷之五 祀典 七 三百六十四
菲儀用伸常祭永世不遺尙饗

壇祭

壇壝之禮墀而不屋所以通地天之絕達陰陽之
臭也土神社穀神稷以土穀爲民養而祀其所自
出必欲昉之古勾芒后稷吾烏乎知之山澤通氣
水火不相射于是風不鳴條雲不氛惡雷勿折木
雨不破塊慶洽豐年宜稼受祿報賽豈容忽諸厲
亦爲壇俾鬼歆于幽而勿爲厲耳乃鎮之以城隍
者其欲感以神所憑依化厲爲祥意歟志壇祭
西壇祭社稷也社祭土稷祭穀歲以春秋二仲上戊

日春祈秋報之義也壇在縣城西教場邊壇傍隙地甚廣後多爲附近園戶侵占壇之前後僅容趨蹌拜跪而已祝詞云品物資生烝民乃粒司土之功洽于原隰維茲仲春祭告宜急謹以牲醴粢盛庶品咸集用鑒明禋惠茲通邑尙饗

南壇祭山川也在縣城南一里許舊以風雲雷雨山川城隍合祀以春秋仲月上巳日祭禮諸侯祭封內山川今之司牧者視古諸侯于法得祀宋與社稷合祀明洪武初正祀典分社稷山川爲二山川以風雲雷雨合祭其後又以城隍合祭每祭設立神位風雲詒安縣志

卷之五 祀典

六

三百七

雷雨居中山川居左城隍居右其祝文云維神妙用神機發育生殖奠我民居足我民食某等欽承上命忝蒞茲職今茲仲春謹具牲醴庶羞明禋是亟如在洋洋小心翼翼尙饗

厲壇祭厲鬼也壇在城北一里許歲春清明日秋七月十五日冬十月初一日凡三祭以祭境內無祀之鬼神古祭法有泰厲公厲族厲此厲祭之所自始其祭先期三日主祭官牒告于城隍之神至日設城隍位于壇上行禮止于城隍神位前其牒文祭文存禮房舊又有鄉厲壇各鄉民自設祭今無

廟祭

前志祠廟但爲廟貌言之茲志廟祭者專爲俎豆言也蓋廟貌雖繁類多民間香火而廟祭典有定設則經費綱紀惟統之有司矣其尊德報功維風範俗誠如經天之日月行地之江河焉黜邪崇正于焉孔昭凡挾左道而倡淫祀者觀其界嚴而事經夫亦可知不經之無益而何必徒費土木之工乎志廟祭

朱文公祠一在縣城西關內關帝坊右城隍廟左祭以春秋二仲次丁日比于崇先師之禮也以黃勉齋

詔安縣志

卷之五

祀典

五

三百六

陳北溪配饗其祝文云惟先生豪傑之才聖賢之學道統是傳覺我後覺昔守是邦化行民樂永世仰瞻

泰山喬嶽惟茲仲

春

謹以牲帛醴齊粢盛庶品用伸

常祭以勉齋黃氏北溪陳氏配尙饗 一在玄鍾所

卽東瀛書院詳建置志春秋二祭每歲縣給銀六兩其四兩係本縣南門月城舖稅其二兩係鄧石灣王家朱瀛等出辦俱就縣徵領邑人沈鈇有夏車爾父母合創玄鍾文公祠祀典碑記載藝文

文昌祠祀文昌帝君魁星詳建置志祭以春秋二仲之望日其祭品係學租銀送縣支辦

唐將軍廟祭唐將軍陳元光也將軍有開拓之功凡鄉人皆得祀將軍鄉各有廟號陳王廟惟祀典所載廟在縣城西北二里良峰山麓有九座元時所建明嘉靖間寇亂廟燬詔民悉兵逐寇疾負王像而出廟中六將神像俱全寇亦尋滅始建廟于縣城內東南廟甚湫隘舉尙有待每歲春秋二仲之望日本縣正官致祭以前鋒將許天正分營將馬仁李伯瑤歐哲張伯紀沈世紀配焉其祝文云惟公開創漳邦功載有唐州民允賴廟食無疆惟茲春秋仲謹潔牲醴庶品用薦馨香以許馬李歐張沈六將軍配尙饗

詔安縣志

卷之五

祀典

二十

四百〇二

旗纛廟在縣治西祀軍牙六纛也舊祭春以礮螯秋以霜降今止霜降一祭營官主其事

城隍廟唐李陽冰有當塗縣城隍廟記是唐時已有廟祀矣明洪武二年勅封城隍神爲鑒察司民顯祐伯有制詞三年正諸神封號改題曰某處城隍之神嘉靖九年初置詔安縣廟在縣治西以木主祀之嘉靖二十七年卽關帝廟改建典史陸鈇塑像其中有廟無專祭與風雲雷雨山川同壇僉祀每歲三月清明七月望日十月朔日厲祭縣正官牒告于廟奉神主之其各鄉厲祭里民亦祭告于神請主其祭舊另

有玄鐘所城隍廟今廢

詔安縣志

卷之五

祀典

三

十一